

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 421738 22 St
Tuzla, 10.10.2022. godine

OPĆINSKI SUD U TUZLI, sudija Ilvana Delić razmatrajući prijedlog likvidatora dužnika „FARMACOLUX“ doo Tuzla, za proizvodnju, promet i usluge, ul. Džafer Mahala 15, van ročišta donio je dana 10.10.2022. godine sljedeće:

R J E Š E N J E

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja predlože otvaranje stečajnog postupka i na žiro-račun Suda, broj: 132-100-03091233-91 NLB banka dd Sarajevo, predjme iznos od 4.000,00 KM (četirihiljadekonvertibilnihmaraka), na ime obezbjeđenja troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko stečajni dužnik kao predlagač, povjerioci ili neko od zainteresovanih lica ne uplati navedeni iznos predjma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

O b r a z l o ž e n j e

Na ročištu za ispitivanja prijava potraživanja u likvidacionom predmetu broj Broj: 32 0 L 421738 22 L, likvidator se izjasnio da ne osporava prijavljena potraživanja povjerilaca Uprava za indirektno oporezivanje BiH, RC Tuzla i Porezna uprava F BiH, KPU Tuzla, dok je prijavu potraživanja Jasne Dubravić osporio iz razloga što je presuda koja je osnov prijavljenih potraživanja nepravosnažna odnosno, predmet je na Kantonalnom sudu po žalbi. Tokom likvidacionog postupka a u svom izvještaju od 07.09.2022. godine likvidator je izjavio da društvo nema imovine iz koje bi se mogli namiriti troškovi postupka kao i priznata potraživanja. Iz navedenog razloga predložio je obustavu likvidacionog postupka i predložio direktno otvaranje stečajnog postupka. Sud je donio rješenje o obustavi likvidacionog postupka dana 08.09.2022. godine, a koje rješenje je postalo pravosnažno 04.10.2022. godine.

Razlog obustavljanja likvidacionog postupka je činjenica da likvidacioni dužnik nema novčanih sredstava i imovine iz koje bi unovčenjem mogao izmiriti likvidaciona potraživanja.

Postupajući po zahtjevu likvidatora sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban. Kako je prijedlog za otvaranje stečajnog postupka podnio likvidator u likvidacionom postupku, to je predložio da sud direktno otvori stečajni postupak, u smislu odredbe člana 103. stav 1. Zakona o stečaju.

Cijeneći da su ispunjeni uslovi za direktno otvaranje stečajnog postupka obzirom da je prijedlog podnio likvidator nakon provedenog likvidacionog postupka i dostavljenog izvještaja, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao dužnika, povjerioce i sva zainteresovana lica da predlože otvaranje stečajnog postupka i izvrše uplatu troškova

finansiranja stečajnog postupka u visini od 4.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, poduzimanja radnji u slučaju unovčavanja imovine koja bi činila stečajnu masu obzirom da prema prijavi likvidatora društvo posjeduje određenu pokretnu imovinu, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava).

Ukoliko predlagač, povjerioci ili neko od zainteresovanih lica u ostavljenom roku ne predloži otvaranje stečajnog postupka i izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102.stav 8. Zakona o stečaju.

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina FBiH, zasniva se na odredbi člana 103. stav 8. Zakona o stečaju.

SUDIJA
Ilvana Delić

POUKA O PRAVNOM LIJEKU: Protiv ovog rješenja nije dozvoljena žalba.